

RAPPORT ANNUAL 2020



Sociedad Ovra electrica
Lumbrein





Invitaziun alla 11avla radunonza generala

Preziadas commembras e preziai commembers

Bugen envidein nus vus a nossa radunonza generala. Quella ha liug il venderdis, ils 20 d'ust 2021, en la halla dalla casa da scola a Vrin. La radunonza generala entscheiva allas 20.00 uras. Suentar la radunonza offerescha la SOEL in apert. Sin mintga commembra e mintga commember che prenda part alla radunonza generala spetga sco usitau ina pintga sorpresa.

■ Tractandas

1. Beinvegni
2. Elecziun da dumbravuschs
3. Prelecziun dil protocol dalla radunonza generala ordinaria dils 15 d'ust 2020
4. Rapport da gestiun:
 - a. Rapport annual
 - b. Presentaziun dil quen annual
5. Rapport da revisiun
6. Approbaziuns:
 - a. dil quen annual
 - b. dall'utilisaziun dil gudogn
 - c. dar scarica all'administraziun
7. Varia

Sch'ina commembra ni in commember sa buca prender part alla radunonza generala, ha el la pusseivladad da schar substituir tenor art. 12 dallas statutas. Cun agid d'ina plenipotenza en scret sa in societari seschar substituir entras in confamigliar ch'ei habels d'agir e che viva ella medema casa ni entras in auter commember dalla societad. Quella plenipotenza ei da prender cun e mussar avon alla radunonza generala.

Lumbrein, fenadur 2021

Administraziun SOEL



Rapport dils presidents

■ Societad Ovra electrica Lumbrein 2020

2020 – igl onn dalla pandemia

Igl onn vargau vegn a star en memoria sco igl onn dalla pandemia. Sin il menaschi e sin las finanzas dalla SOEL ha la pandemia denton buca giu influenza. Igl ei stau in onn nunspectacular, per part era frenaus entras la pandemia.

Commembradi habitonts vischinadi da Vrin

Igl onn 2020 ha la radunonza generala decidiu da midar las statutas aschia ch'ils habitonts dil vischinadi da Vrin han era la pusseivladad da vegnir commembers. La SOEL ha ensemen cun il quen final tar-mess tier in feigl d'informaziun ad ils habitonts dil vischinadi da Vrin. La SOEL ha gia saviu beneventar plirs commembers da Vrin.

Anton Pelican

La SOEL ha stuiu prender encunter la fin da fenadur 2020 la tresta novitad che nies zun preziau consuprastont Anton Pelican seigi mort suent in liung cumbat encunter il cancer. El era gia staus commember dalla cumissiun dall'ovra electrica sco representant dall'antieriura vischnaunca Lumbrein naven digl onn 2009 entochen la fundaziun dalla SOEL igl onn 2011. Anton Pelican ei staus in dils siat fundaturs dalla SOEL igl onn 2011. Igl onn 2017 eis el vegnius elegius sco commember ordinari en la suprastonza dalla SOEL. En suprastonza ha el adina empruau d'anflar las meglieras sligiazions e quei cun damondas criticas ed analisar ils problems. Quei agir ei vegnius schazegiaus fetg ed el ha adina purtau nus in pass vinavon en nossas ideas e decisiuns.

Implont hidraulic Schanaus Sut

La suprastonza ei sefatschentada igl onn 2020 cun differentas megliuraziuns digl implont hidraulic Schanaus Sut. Enteifer quei process essan nus vegni tier la conclusiun che mo ina sanaziun totala digl indrez e dil pilotadi digl implont hidraulic meina ad ina situaziun cuntenteivla per igl avegnir. Egl onn 2021 stat la planisaziun da quella sanaziun el focus.



Cumpra d'electricitad

Sin igl onn 2020 ein nossas tarifas buca semidadas. Enteifer igl onn 2020 havein nus serau giu la cumpra d'electricitad per igl onn 2021 e cumprau en per igl onn 2022 cun il sistem da pool tier la Rhiienergie. Cheu la survesta dil svilup da nos prezis da cumpra:

2014: 10.1 raps per kwu (Repower)
 2015: 6.2 raps per kwu (Axp Hydro Surselva)
 2016: 6.3 raps per kwu (Axp Hydro Surselva)
 2017: 6.5 raps per kwu (Axp Hydro Surselva)
 2018: 4.4 raps per kwu (Rhiienergie)
 2019: 4.9 raps per kwu (Rhiienergie)
 2020: 6.4 raps per kwu (Rhiienergie)
 2021: 6.1 raps per kwu (Rhiienergie)
 2022: 6.8 raps per kwu (Rhiienergie)
 2023: 7.4 raps per kwu (Rhiienergie; aunc buca cumprau en tut)

Impurtont ei da saver ch'il sistem da pool dalla Rhiienergie ei buca in garant per prezis bass. Quei sistem garantescha suletamein che nus havein alla fin digl onn in prezi da media, pia in prezi da marcau.

Ina differenza da 0.5 raps per kwu dil prezi da cumpra ha ina influen-za da 10 000 CHF sin nos cuosts da cumpra. Ella situaziun finanziaria actuala meinan prezis da cumpra denter 6.0 e 7.0 raps per kwu buca ad in alzament dallas tarifas.



■ Consum d'electricitad

Igl onn 2020 ei vegniu consumau en igl intschess dalla Societad Ovra electrica Lumbrein 3,619 gwu (cun las sperditas 3,861 gwu). Quei ei en cumparegliaziun cun igl onn avon in sbassament da 75000 kwu ni 1.9%. L'atgna producziun ei cun 1,657 gwu (2020) puspei sin in bien nivel, schizun sur la media dils davos onns. In plus da 1.0% enviers il 2019. Igl implont fotovoltaic ha giu sur igl entir onn ora cun 45311 kwu 31.4% pli bia producziun ch'igl onn 2019. Quei ei stau il secund meglier onn en la historia digl implont fotovoltaic sin l'Alp Staviola Vedra. La cumpra d'energia dalla Rhienergie ei cun 1,928 gwu (2020) – grazia a nossa aulta producziun giu Schanaus Sut – sesminuida vinavon per 4.9% enviers igl onn 2019 (2,061 gwu). La suandonta grafica muossa aunc inagada schematicamein las cefras.

Onn	2020	2019	Midada en %
consum total	3,619 gwu	3,694 gwu	- 1.9 %
atgna producziun	1,657 gwu	1,641 gwu	+ 1.0 %
implont hidraulic	1,612 gwu	1,606 gwu	+ 0.4 %
implont fotovoltaic	45311 kwu	34484 kwu	+ 31.4 %
aggregat	0 kwu	0 kwu	+ 0.0 %
cumpra Rhienergie	1,928 gwu	2,061 gwu	- 4.9 %
cumpra KEV	0,156 gwu	0,141 gwu	+ 10.6 %



■ Tecnica e menaschi

Igl onn 2020 han ils suandonts projects confrontau il menaschi dall'ovra:

Pilotadi Centrala schanaus

En connex cun las lavurs vid il pilotadi a Schanaus Sut havein anflau cun Marcus Alig dalla fatschenta Straub inschigniers a Glion in fetg competent planisader. Nus essan vegni tier la conclusiun ch'ei fa senn da gest era midar la turbina cun tut las componentas e buca mo il pilotadi. Aschia eis ei planisau da niev da far quella midada cumpleina egl onn 2022.

Transformatur a Nussaus

Igl onn 2020 havein preparau tier tut per saver montar igl onn 2021 a Nussaus in niev transformatur.

Donns tschaffadas

Igl atun 2020 havein giu gronds donns vid las tschaffadas durant las intensivass plievias. Nus essan aunc vidlunder da puspei metter tut en uorden.

Buca d'emblidar ei la lavur da pichet nua che nos luvriers ein cun tonschibels 24 uras a di. Els ston en cass d'urgenza ir da tutt'aura a mirar la situaziun e puspei metter tut en funcziun per che nus hagian aschi spert sco pusseivel puspei electricitad en casa. A nos luvriers sauda in special engraziament per lur grondiusa lavur durant igl entir onn. Els ein ils garants che noss'ovra funcziunescha e che l'electricitad flessegia bunamein adina e cun fetg aulta segirtad.

En cass dad interrupziuns buca planisadas eis ei clar a tuts pertuccai dalla SOEL che quei ei fetg malenperneivel. Nos luvriers fan adina era tut il pusseivel da metter en funcziun la reit aschi spert sco pusseivel. Tuttina sperein vinavon sin vossa capientscha e nus vegnin era vinavon a semetter en per che quei capeti schi pauc sco pusseivel. Denton evitar quei dil tutt'fatg savein era nus buca.



■ Quen annual

Il quen annual 2020 dall'ovra ei cuntenteivels. Sut il streh ei il gudogn en rama dils onns precedents – il gudogn munta 22 800 CHF.

Influenzau il quen 2020 han oravontut ils suandonts puncts:

- Dapi l'enschatta 2018 furnescha la Rhienergie l'electricitad a nus. Enteifer la reit essan nus colligiai cun la Repower. Ils cuosts dalla reit dalla Repower ein era uonn sesminui per 5.6% en cefras absolutas. Il consum ei denton era staus pli bass ch'igl onn avon. Ils cuosts per kwu ein denton era sesminui per 3.8%. Ils cuosts da cumpra dalla Rhienergie e KEV per kwu ein sesalzai per 27.5% – cun quei che nies prezi da cumpra ei staus il 2020 pli aults ch'il 2019. Nus havein cumprau en 5.4% pli pauc ch'igl onn 2019. Il prezi pli ault da cumpra ha denton era menau tier ina cefra absoluta da cumpra pli aulta (+24 000 CHF en cumparegliaziun cun igl onn 2019).

Cumpra Rhienergie/Repower	2020	2019	Midada en %
cuosts reit en CHF	176 000	186 500	- 5.6%
cuosts reit per kwu	4.86 raps	5.05 raps	- 3.8%
consum total	3,619 gwu	3,694 gwu	- 1.9%
cuosts electricitad en CHF	136 000	112 000	+ 21.5%
cuosts electricitad per kwu	6.5 raps	5.10 raps	+ 27.5%
cumpra Rhienergie e KEV	2,084 gwu	2,202 gwu	- 5.4%

- Il consum ei sesminuius per 1.9%. Nossas entradas ord vendita d'electricitad e dalla reit (excl. taxa da basa) ein denton sesalzas levamein. Quei vegn a scher vid ils termins da leger giu, ils quals san svariari las entradas.
- Las expensas per il personal ein sesminuidas. Nossas lavurs per tiarzs ein stadas rodond 10 000 CHF pli aultas ch'igl onn avon.
- Ils cuosts da producciun a Schanau Sut ein stai pli aults, cun quei che nus havein era produziu in bien ton dapli.
- Las amortisaziuns ordinaris dalla reit havein nus vinavon saviu tener sil nivel da 3.5% dalla valeta cudischada. La finamira ei da tener quei nivel ed egl avegnir alzar enviers 5.0%. Lez ei tenor nies manegiar in nivel sanadeivel.



L'ovra electrica ha mussau ora igl onn 2020 investiziuns ell'altezia da 51'000 CHF. La facultad en circulaziun suenter haver tratg giu las obligaziuns a cuorta vesta e la reserva per Schanaus Sut ei carschida da 1'305'000 CHF (2019) per 48'000 CHF sin 1'353'000 CHF. Operativ ha l'ovra generau in cash-flow positiv da ca. 115'000 CHF.

■ **Perspectiva**

Pils onns 2021/2022 ein ils suandonts puncts el focus:

Departement strategia e finanzas

- Strategia per la liberalisaziun dil marcau
- Relaziun cun la vischnaunca Lumnezia
- Examinar pusseivladads da colloboraziun en differents secturs
- Project OEZ

Departement tecnica e menaschi

- Implementar strategia dalla reit
- Adattaziun a novas leschas d'energia
- Planisaziun sanaziun totala implont hidraulic Schanaus Sut
- Sclariments technics en connex cun la reit ed il project OEZ
- Megliuraments tschaffadas

Il presidium, sco era la suprastanza han e vegnan era egl avegnir a sespruar da far lur pusseivel per manevrar l'ovra electrica Lumbrein aschi bein sco pusseivel el futur e saver porscher prezis favoreivels alla clientella.



■ Engraziament

Nus lessan engraziar a tuts nos consuments, a tuts nos luvriers, allas autoritads communalas, sco era als commembers dalla suprastanza dalla SOEL per la confidanza e sustegn demussau durant igl onn vargau. Nus sperein era sin il sustegn ed agid en ils proxims onns. Grond engraziament.

Lumbrein, zercladur 2021

Gian Derungs, president
Martin Capaul, vice-president





■ Bekannte Netzstörungen EW Lumbrein von 2014 bis 2020

Leitstelle Ilanz				
	StörBeginn	Beschreibung	Techn. Platz	Störungs BegZt
2014	20140507	16 kV FL TS Sut Curtgin – TS Morissen	REN-SU-FL03-0592	17:18:47
	20141105	TS Curtgin Claus 16 kV Abg. Lumbrein	REN-SU-TS10-0308	19:06:07
	20141106	TS Curtgin Claus 16 kV Abg. Lumbrein	REN-SU-TS10-0308	07:22:36
2015	20150706	16 kV Leitung Luven F329 – TS 329 Sasolas	REN-SU-KL03-0594	15:41:23
2016	20160306	60 kV Freileitung UW Ilanz – UW Tavanasa	REN-SU-FL06-1321	05:48:35
	20160408	TS Curtgin Claus 16 kV Abg. Lumbrein	REN-SU-TS10-0308	06:02:20
	20160427	Kontrolle TS Curtgin Claus in Vignogn	REN-SU-TS10-0308	13:16:10
	20160722	UW Ilanz Netzausfall	REN-SU-UW10-0011	15:33:35
	20160730	TS Curtgin Claus 16 kV Abg. Lumbrein	REN-SU-TS10-0308	17:19:35
2017	20170215	UW Ilanz, 16 kV Abg. Sut Curtgin	REN-SU-TS10-0308	09:48:00
	20160722	UW Ilanz, 16 kV Abg. Sut Curtgin	REN-SU-TS10-0308	22:45:00
2018	20190731	TS 340 Sut Curtgin, 16 kV Curoms	REN-SU-FL03-0590	13:02:32
2019	20190502	TS 306 Morissen Vitg, 16 kV Caglievers	REN-SU-TS10-306	08:00:32
	20190813	TS 340 Sut Curtgin, 16 kV Curoms	REN-SU-FL03-0590	13:14:10
2020	20200702	16 kV TS Palius – TS Curtgin Claus	REN-SU-FL03-1048	17:58:00
	20201027	16 kV TS 340 Suot Curgins Morissen	REN-SU-FL03-0521	08:28:00

Hinweis:

Rückwirkung bedeutet, dass der Fehler für die Unterbrechung bei einem anderen Netzbetreiber liegt (Vor- oder Nachgelagert). Der Verursacher ist in der Spalte «Beschreibung der Ursache» angegeben.

Die geplanten Unterbrechungen sind nicht enthalten!



Bekannte Netzstörungen EW Lumbrein von 2014 bis 2020						
Störungsende	StörungsEndZt	Ausfall in Min	Meldung	ElCom Meldung	Beschreibung der Ursache	Details
07.05.2014	18:30:21	30	10011343	Andere	Unbekannt	
05.11.2014	19:17:16	0	10011638	Rückwirkung	Kurzschluss EW Lumbrein	Starker Schneefall
06.11.2014	08:32:41	0	10011639	Rückwirkung	Kurzschluss EW Lumbrein	Starker Schneefall
06.07.2015	17:30:41	4	10011928	Naturereignis	Vogel in Stationstrenner	
06.03.2016	06:07:35	19	10012171	Naturereignis	Baum in Freileitung	Starker Schneefall
08.04.2016	06:28:20	26	10012590	Rückwirkung	Kurzschluss EW Lumbrein	Starker Schneefall
27.04.2016	16:42:22	206	10012224	geplante Abschaltung	5-jährige Kontrolle	
22.07.2016	15:53:40	20	10012337	Rückwirkung	Kurzschluss Versorgung 220 kV	Blitzeinschlag
30.07.2016	18:06:37	47	10012356	Rückwirkung	Kurzschluss EW Lumbrein	Gewitter
15.02.2017	15:58:00	0	10012579	Rückwirkung	Erdschluss EW Lumbrein	Defektes Kabel in Vrin
19.04.2017	09:25:48	0	10012634	Rückwirkung	Erdschluss EW Lumbrein	Defektes Kabel in Vrin
31.07.2018	13:57:00	55	10013067	Naturereignis	Unbekannt	
02.05.2019	08:07:07	6	10013319	Andere	Schaden an Schaltanlage	Defekter Schaltkontakt
13.08.2019	14:04:05	50	10013420	Naturereignis	Vogel Freileitung berührt	kein Schaden
02.07.2020	19:24:00	86	10013596	Naturereignis	Blitzschlag	Gewitter
27.10.2020	09:36:00	68	10013708	Naturereignis	Scheeentladung	

Quen annual 2020

■ Bilanza per ils 31 da december 2020

	31.12.2020	31.12.2019
ACTIVA	4 195 064	4 189 316

FACULTAD EN CIRCULAZIUN

Mieds liquids	1 266 084	1 213 871
Dabiens/Debiturs	486 892	490 112

INVESTIZIUNS FACULTAD FINANZIALA

15 aczias Repower SA	1 485	1 500
2 aczias Rhienergie SA	5 500	7 200

BEINS MATERIALS

Reit da distribuziun (Mittelspannung)	441 120	457 121
Reit da distribuziun (Niederspannung)	1 202 310	1 218 869
Staziuns da trafo	263 170	272 718
Cabinas da repartiziun	139 600	136 998
Apparats ed indrezs	109 350	106 811
Plans da cataster Lumbrein e Vrin	93 330	88 031
Ulteriura infrastruttura/inventari	73 400	73 262
Implont fotovoltaic Alp Staviala Vedra	112 823	122 823

PASSIVA	4 195 064	4 189 316
----------------	------------------	------------------

OBLIGAZIUNS

Obligaziuns/Crediturs	230 119	254 110
-----------------------	---------	---------

RESERVAS

Reserva taxas da colligiazion	149 016	166 359
Reserva renovaziun producziun Schanaus Sut	170 122	145 381

CAPITAL

Capital da participaziun (privats)	11 700	12 200
Capital da participaziun (vischnaunca)	3 420 000	3 420 000
Conto capital (gudogn/sperdita)	196 108	175 266
Reserva tenor lescha	18 000	16 000

	Quen 2020		Quen 2019	
	expensas	entradas	expensas	entradas
DIEVER DALLA REIT	432 905	497 530	434 855	494 181
Cuosts da personal	61 672		70 063	
Cumpra material	32 998		16 657	
Taxas da diever reit furniturs d'energia	176 117		186 266	
Manteniment reit	13 270		12 646	
Survetschs e honorars	1 417		1 718	
Amortisaziuns ordinarias	82 442		83 509	
Repartiziun interna Administraziun/Finanzas	64 989		63 996	
Taxas diever dalla reit		337 094		334 719
Tscheins per dumbraders		131 845		131 334
Prestaziuns e lavurs per tiarzs		26 917		17 815
Restituziuns ed ulteriuras entradas		1 673		10 311
PRODUCZIUN E FURNIZIUN D'ENERGIA	401 984	360 202	377 344	355 418
Cuosts da personal	16 025		12 672	
Cumpra material	0		459	
Cumpra d'energia per la vendita	135 231		110 829	
Cumpra d'energia solara	6 686		5 887	
Cumpra d'energia Schanaus Sut	24 183		24 092	
Manteniment	2 432		2 804	
Survetschs e honorars	10 990		10 070	
Systemdienstleistung (SDL)	5 790		8 865	
Mehrkostenfinanzierung (KEV)	83 222		84 956	
Contribuziun publica	36 069		35 985	
Amortisaziuns ordinarias	10 000		10 000	
Deposit renovaziun Schanaus Sut	30 000		30 000	
Repartiziun interna Administraziun/Finanzas	41 356		40 725	
Taxas vendita energia		216 342		213 528
Indemnisaziun energia solara		19 058		14 504
Systemdienstleistung (SDL)		5 772		8 636
Mehrkostenfinanzierung (KEV)		82 960		82 765
Contribuziun publica		36 069		35 985
Restituziuns ed ulteriuras entradas		0		0
ADMINISTRAZIUN / FINANZAS	105 113	105 113	122 565	122 565
Cuosts da personal	13 226		14 898	
Survetschs d'administraziun (canzlia)	27 141		28 000	
Cuosts biro	16 535		18 131	
Assicuranzas d'objects e maschinas	13 146		13 384	
Ulteriurs cuosts	11 556		4 577	
Contribuziuns ad instituziuns	4 731		4 724	
100 onns SOEL	0		17 550	
Amortisaziuns facultad finanziaria	464		-1	
Taglias	18 314		21 302	
Repartiziun interna Administraziun/Finanzas		106 345		104 720
Contribuziuns 100 onns SOEL		0		5 520
Restituziuns ed ulteriuras entradas		-1 233		12 325
Expensas totalas	940 002		934 764	
Entradas totalas		962 845		972 164
Resultat	22 842		37 400	

■ Survesta dallas investiziuns ed amortisaziuns 2020

	activau igl	amortisaziuns	investiziuns	activau ils
	31-12-2019	2020	2020	31-12-2020
Reit da distribuziun (Mittelspannung)	457 121	16 001	0	441 120
Reit da distribuziun (Niederspannung)	1 218 869	43 612	27 052	1 202 310
Staziuns da trafo	272 718	9 548	0	263 170
Cabinas da repartiziun	136 998	5 065	7 667	139 600
Apparats ed indrezs	106 811	3 964	6 503	109 350
Plans da cataster Lumbrein e Vrin	88 031	3 382	8 681	93 330
Ulteriura infrastruttura/inventari	73 262	870	1 008	73 400
Implont fotovoltaic Alp Staviaia Vedra	122 823	10 000	0	112 823
Taxas da colligiazion	-166 359	-17 344	0	-149 016
	2 310 274	75 098	50 911	2 286 087

■ Utilisaziun dil gudogn 2020

Conto capital (gudogn/sperdita) 01-01-2020	173 266
Gudogn 2020	22 842
Total	196 108
Attribuziun allas reservas	1 150
Attribuziun conto capital (gudogn/sperdita)	194 958
Total	196 108

Rapport dalla cummissiun da quen e da gestiun SOEL 2020

Preziadas commembras dalla societad
Preziai commembers dalla societad

L'incumbensa dalla cummissiun da quen e da gestiun ei stau da controllar la contabilitad ed il quen annual (bilanza e quen da gudogn e sperdita) dalla Societad Ovra electrica Lumbrein (SOEL) per igl onn da gestiun ch'ei vegnius termina usils 31.12.2020. Sco igl onn vargau essan nus secunvegns cun la suprastanza dalla SOEL, da schar controllar il quen entras ina fatschenta externa da revisiun. Quella revisiun ei vegnida fatga entras la fatschenta Addissa AG a Glion.

Tenor rapport e discuors cun ils revisurs Marcus Cathomas e Marcus Holderegger savein nus constatar ch'il quen ei menaus fetg bein e schuber. Il quen 2020 dalla SOEL muossa ora in bien gudogn da CHF 22'842.28.

Nus recumandain e proponin:

- D'approbar il quen annual 2020 dalla SOEL cun in gudogn da CHF 22'842.28
- Da dar scarica ad ils organs dalla societad

Nus engraziein alla suprastanza dalla societad ed ad ils luvriers per la lavur prestada.

Lumbrein, fenadur 2021

Cummissiun da quen e gestiun



Anton Gartmann



Gabriel Derungs



Bericht zur Eingeschränkten Revision an die Generalversammlung der Societad Ovra electrica Lumbrein, 7148 Lumbrein

Wir haben die Jahresrechnung (Bilanz und Erfolgsrechnung) der **Societad Ovra electrica Lumbrein, 7148 Lumbrein** für das am 31. Dezember 2020 abgeschlossene Geschäftsjahr im Auftrag des Vorstandes geprüft.

Für die Jahresrechnung ist der Vorstand verantwortlich, während unsere Aufgabe darin besteht, diese zu prüfen. Wir bestätigen, dass wir die gesetzlichen Anforderungen hinsichtlich Zulassung und Unabhängigkeit erfüllen.

Unsere Prüfung erfolgte nach dem Schweizer Standard zur Eingeschränkten Revision. Danach ist diese Revision so zu planen und durchzuführen, dass wesentliche Fehlaussagen in der Jahresrechnung erkannt werden. Eine Eingeschränkte Revision umfasst hauptsächlich Befragungen und analytische Prüfungshandlungen sowie den Umständen angemessene Detailprüfungen der vorhandenen Unterlagen. Dagegen sind Prüfungen der betrieblichen Abläufe und des internen Kontrollsystems sowie Befragungen und weitere Prüfungshandlungen zur Aufdeckung deliktischer Handlungen oder anderer Gesetzesverstösse nicht Bestandteil dieser Revision.

Bei unserer Prüfung sind wir nicht auf Sachverhalte gestossen, aus denen wir schliessen müssten, dass die Jahresrechnung nicht Gesetz und Statuten entsprechen.

Ilanz, 17. Juni 2021

ADDISSA AG



Marcus Cathomas
M. A. HSG



Marcus Holderegger
Revisionsexperte
Mandatsleiter

Beilage:

- Jahresrechnung

